

四庫全書

集部

欽定四庫全書

松泉集卷三

起丁酉至戊戌

吏部尚書汪由敦撰

錢塘別弟

幾日才相見明朝又異鄉
草池頻有夢朔雁忽分行
緒曲紛難盡書成好寄將
無令離別淚悽惻動高堂
握手無多屬奉親
惟讀書一經勤共力
二頃願仍虛多
病慈顏改長征遠
信疎歸時告
卹嫂鰥勉侍庭除

舟過嘉興曹載庸賀經三兩文學道別

峭帆指城闌水西報津鼓故人出郭候扁舟臨曲渚送
別申平生遠遊愴徒侶嚴程易分手離思無終緒前懽
悵難追後期尚斯阻景光各自愛素心敦古與勗德事
嫵脩申章託贈處社雨燕初來春波渺南浦迴艫隔楊
柳烟中聽鳴櫓

露筋祠

浩蕩秦郵路荒祠俯碧湖到門春水濶入座渚禽孤斷

岸依垂柳殘碑卧短蒲淒涼行露意落日降春巫

宿遷曉發

積勞警客心獨宿苦易覺庭下馬頻嘶樹頭雞已報僕
夫供草具酒惡不容醕土銍馬通殘寒燈耿相照登車
數繁星悠悠即長道

蒙陰道中

郊原春色正霏微隴麥青青過雨肥一路流鶯隨去馬
半空飛絮點征衣野僧林外挑經至醉客橋邊趁集歸

一望青齊山色好
單椒秀澤對斜暉

望岱

泰岱連雲迥削成
向從圖史識山名
登封自昔誇秦帝
典冊何當用長卿
日觀孤浮臨渤海
天門對峙拱神京
羣車指點征塵裏
欲借青驄傍險行

立夏同陳祖陶聯句

驅車燕趙飽風沙
海淀停裝換物華

陳

九十日來春入

夏三千里外客思家

汪

味憐櫻筍香初試
說到菰蒲夢

已賒

陳

拂硯小窻同覓句儘看庭樹綠陰斜

汪

雨中二絕句

凍雨闌風陣陣來階除流水沒蒼苔山鄉物候依稀似
四月中旬正熟梅

通宵卧聽響浪浪夢破旋驚枕簟涼却有朝來強意事
飛塵不到讀書牀

李先生鹿友再枉遠訊奉寄二首

東國人倫表何知杖屨陪光風懸榻近春色去帆催社

燕經時別江鴻幾度來獎成餘論在感激愧非才

世業慚任昉心期託孔融重承知己切真見古人同良
遇期難得亨衢且未通暮雲千萬里悵望越江東

寄秀水蔣文學廷御

南湖烟水濶北郭暮雲平中有斯人在迥然負俗情驅
車悲阮籍操鼓厭禰衡贈我臨岐語令人意氣生

寄桐鄉賀文學三經

燈火萬松巔淹留可半年未知千載業他日幾人傳古

處修奇服孤懷入素絃心期君最切飛夢到吳船

寄歸安潘文學禹巖兼問吳興諸同學

回首惜離羣開尊對馬軍五更松嶺月一棹雪溪雲
劍豈雌雄合牀原上下分激昂高意氣好與細論文

寄錢塘施文學日銓

一見如兄弟聯牀鳳嶺陰至今千里月還共兩年心抽
卷山光近披帷露氣侵遙憐同不遇回首謝知音

寄題經籬堂懷家兄君宣

村南喬木下曲徑舊升堂樹響雜灘響溪光涵竹光風
清浣衣步鳥語讀書牀兄也耽文誦春池夢正長

寄示仲弟方牧

世父年垂老從來守素儒汝今甘用拙吾道未為迂生
理艱禾稼霜顏改髣髴入廚新有婦提甕定能無

示叔弟凝之

憶我書能寄言深細作行艱難深歲月鞭策愛文章負
米歸何日依人滯異鄉帚屨勤自浣賴汝慰高堂

示季弟宇秀

少小惟憐季他年笑阿奴對人能了了問字數區區戲
定辭驂篠歡應解弄雛隨肩有弱妹棗栗好相於

寄內

作婦長貧嬌于今歲七移頻歸依母愛諳性仰姑慈捉
鼻言何驗投懷夢屢疑鏡中顏瘦損應較別來時

對月

八度燕山對月明况逢搖落不勝情倦斟易酒更添酒

卷三
索賦長檠與短檠隔巷商聲鐘斷續上窻寒影樹縱橫
預愁夢裏鄉心劇歌枕翻交夢不成

同陳大聯句壽徐夫子

教澤涵濡裏

陳

亨衢日月邊晉階起列署

汪

魚秩領羣

賢綱紀南臺肅

陳

聲華秘省連風霜凝筆札

汪

奎壁耀

台躔伊昔追隨地

陳

恭惟節鉞專鋒車臨越嶠

汪

驛馬

靖瀛壖行部恩威並

陳

敷文禮樂先豈惟開石室

汪

疑

是對花甌琬琰頌經幄

陳

圖球出

御筵榜題鸞鵲峙

汪

山勢鳳凰懸燈火分官燭

陳

齋厨

割俸錢砭愚殊殿最

汪

析理必精研再立鱣堂雪

陳

頻

聽馬帳絃引帆江湛湛

汪

錢塘至三衢 去夏曾隨侍湖

卷幔草芊芊

峻擢綸俄賁

陳

欽承席更前牙旂趨魏闕

汪

津鼓送吳

船北斗高猶仰

陳

春風坐獨偏岸花隨去鷁

汪

沙柳拂

行旃洒掃林宗舍

陳

提攜祖逖鞭游楊寧比數

汪

籍湜

幸隨肩鯤海三千水

陳

龍門尺五天經傳章相業

汪

書

借鄴侯編結志窮研削

陳

齋心託靜便蹶蹄慙剪拂

汪

散木費雕鐫崧嶽申初降

陳

岐陽駕甫旋蘭陔春正麗

汪槐市月仍弦

十月二十三日

仙蕊璇宮綴

陳

孫枝玉樹駢醉

斟金液滿

汪

舞着錦袍鮮茂德歌宵雅

陳

耆英介大年

泰符方協象

汪

知不羨彭錢

陳

懷滄溪張先生爨歎

竟撒臯比座春深閉戶中癖惟耽杜預玄或尚楊雄書

草滋三徑蘭芽茁幾藂何時重買棹石臼颯秋風

酬海鹽徐文學柱高

我感徐君厚，沉吟祇自知。
春山論舊雨，吳詠愛新詩。
調以水仙操，絃之繭客絲。
高臺俯雲海，那不過鍾期。

懷桐鄉周孝廉淇玉

國士文章遇似君，非偶然詞條看嶽嶽。
經笥笑便便，喜對芙蓉鏡。歡承杞菊筵，
尊人以九月六十壽只愁冰雪裏誰問孝。

蘆船

次韻贈曹四

心交原素侶，相遇況殊方。
不隔東西舍，寧分上下牀。
貧

憐為客早才許濟時長征雁南雲數知能慰北堂

除夕

樞馬林鴉夜有聲青燈虛室也通明千門爆竹歡聲動
一盞屠蘇客況清篋裏鄉書時遠近屏間春帖墨縱橫
飽諳遊子天涯味一笑紛紛祇俗情

西廊

最愛此間靜下簾晴晝長平階書帶草滿院木樨香泉
響入山竈雲陰分女牆幾回對明月清夢繞虛廊

病足

我來人海中閉門但燕嬉盤辟上土炕交股學危坐右
踵曲附髀橫膝藉以左曠彼履地職偃側反掌蹠移時
痺不仁欲起已非我拳曲戕天真常若桎在蹠竭來十
弦晦習久便亦頗昨忽違剥膚濕蝕指生蟲癢比啖聚
蟲熱似灼烈火縮伸咸其腓申旦未帖妥詰朝步履移
歎若偏失柁坐客嘲半人習鑿齒竟跛先生笑謝客俯
首理自揣矯拂咎必生過逸乃延禍當年萬山裏重趼

歷坎坷行籐兩不借輕趨捷于簸倦或倚梧息箕踞無
不可茲焉歛雙扉息影慣媮情攤書送白日不觸塵堀
堞正如車久懸蟲乃蝨其軻行當乞刀圭殺蟲去么膺
俾免策杖扶魚謝脫屣躄非慕珠履躡豈羨麋韞裏他
年五嶽遊濟勝庶焉果

絕句

衡華青蒼萬古情江河隨地自縱橫凌雲多少派傳賦
唾點從來付後生

雲烟變滅眼前花
星宿崑崙路總賒
自笑研朱朝點筆
異人已解廢南華

題元遺山集

九死餘生劇苦辛
唯因論世託遺民
從知阮籍非狂客
不害淵明是晉人

十年後事少人知
起本成書良在茲
茹噎胸中難快吐
荒亭破研檢殘詩

陶韋詩筆最真淳
平淡天然萬古新
力挽新奇歸大雅

金史四庫全書
卷三
蘓門誰復是忠臣

栽紅劈翠競時粧
李杜光芒萬丈長
若見滄溟掣金翅
悔教舊繡看鴛鴦

古意

春滿盧家白玉堂
博山鑪火熱都梁
嬋娟飛袖升瑤席
窈窕鳴箏出洞房
艷曲四時憐子夜
香簫十索惱丁娘
客前上壽且行樂
蓮漏當當夜未央

蘭陵美酒金屈卮
勸君舉滿載悲思
風催畫轂迴舟急

冰勒銀牀下綆遲誰信馳蹏成翠釜空教馬尾絡青絲
口中石闕長百尺近局休彈映玉碁

塞上曲

千里龍沙道橫刀匹馬過雲平寒落鵲泉伏晝鳴蹏區
脫人烟少陵屯獵燒多行行逢蜀帳敕勒女兒歌

丁君天因攜酒過酌陳祖陶孝廉同晤齋分韻得
魁字

同舍逢丁虞攜尊破綠苔異鄉深慰藉密坐促追陪兼

味紛調鼎單醪迭引盃故人新意氣公子妙詩才點筆
千星象占名應斗魁夜分移素月寒影落踈槐歎曲真
披豁清狂雜笑吟醉無騎馬客街鼓任頻催

題惲南田畫冊六首

白海棠

紅濕千株簇錦官洗粧春睡淡生寒詩人不是西川客
只作梨花月底看

薔薇

染衣香細細盥手露盈盈鄰娃嗔軟刺欲折重含情

螢

風剪紅羅一簇露抽栗玉雙簪知是無憂可忘愛他名
喚宜男

牽牛枸杞

翠花的的蔓牽牛丹實離離晚未收好是山園小籬落
青籐冷蕊不勝秋

稻雀

芒穎秋垂萬頃黃
啄殘山雀恣飛搶
笑他辛苦西風雁
歲歲間關覓稻粱

菊花紅葉

無多秋色傲西風
點染疎籬入化工
應念黃花太幽獨
故添鴉白夕陽紅

人日示陳祖陶

入春七日寒仍重
作客經年爾獨親
獻歲風光宜縱酒
長塗冰雪劇懷人

時公車諸同學俱未至都

青絲總愛辛盤供彩勝

誰看曉鏡新不有笑談知已共故應淒斷此良辰

鱣血邊端石硯歌

臨北發時家
大人所賜

鬱溪西注羚羊峽蒼梧水深山合沓山輝澤媚胎精英
異石駢生此其甲浮波菁藻紛交加圓臚蔑視象與鴉
色純質瑩肌理細邊幅不整蟲爬掌曾聞說硯殊品第
丹砂黃龍兼翡翠火輪紫間蕉葉白硯材得此諒非易
深溪龍尾古所珍鋒芒索索傷秋鈍綠含風漪發金錢
亦有片石來洮岷玳瑁百輩誠何取石末紅絲賤于土

夸毘最笑西江詩軒輊何情醉翁譜家君寶此非一年
淬穎日試寒松烟豈旌苦學出手授要使墳籍窮鑽研
昔也老泉得天石曰文字祥以命軾不才用竊前賢意
再拜題詩付深刻傳示來昆繼書種策勲藝苑工文墨
不然朝天巖典水坑仰唇俯足全于形砥毫殺墨亦快
意硯縱可寶吾何銘

清明

風光彈指艷陽天
禊日才過又禁烟
草長山中懷丙舍

予家祖塋有
寸草山房

花飛客裏負丁年思親重檢前番信却病
長拋在手編聞道潞河冰已泮連檣多是入吳船

春暮

春事多從病裏支尚餘風信幾番吹判無爛熳花經眼
苦憶清淳酒滿卮束縛難酬知己分踈狂都負少年期
庭槐盡日啼幽鳥第一驚心是子規

送吳方侯黃藜左兩孝廉南歸

相看同失意獨客送將歸去住心俱損升沉願每違長

途青草徧遠水落花稀為問離亭柳何年染客衣

過友人

倦踏沙塵絕偶儕披帷偏喜躡高齋深知不厭經過數
暫對還貪笑語偕日下論交因舊侶斗間占氣識奇懷
却思相揖通名日又見花黃到市槐

遣興疊前韻

踈嬾違時絕少儕清心只學太常齋嶺雲溪月思難撥
藥裏書籤強自偕意氣何容輕感慨功名曾未擾襟懷

西山朝爽差堪挹改罷新詩獨倚槐

耽元從客笑吾儕散帙蕭然坐小齋長晝下簾塵不到
清宵步月影相偕向人落落三緘口去日堂堂一放懷
心似枯禪無垂夢儘教移榻近庭槐

七夕

槐蔭蕭疎暑氣清迎涼坐愛葛衣輕翠瓜香果虛佳節
玉露金風報晚晴天路漫勞靈鵲待月階時聽亂蛩鳴
年年此夕人千里卧看銀河徹夜明

瓶荷

紅衣裛露影亭亭
曲院看時酒未醒
今日一枝教乍見
又牽清夢到西泠

得家書作

望斷燈花與鵲聲
一行嚴訓慰離情
赫唬細讀蠅頭字
老眼年來喜倍明
行囊檢點別時衣
記得紉針老淚揮
差喜緇塵都未染
祇憐寬減帶邊圍

予季書來語激昂詞條已解噪文場漫言稽古工干祿
第一先尋煮字方

春蔬分得官園把社酒傾來老瓦盆負郭何當謀二頃
故鄉風味細量論

僕病

辛勤九載閱間關一病經春氣力孱恰似虺隤荒驛馬
尾長帖地骨如山

遠將書劍客京畿親戚都踈獨爾依且為關心求藥裹

朝來破例典春衣

雨

浙浙復蕭蕭虛堂聽轉遙羈人心已碎不必種芭蕉

懷周大

秋士易成悲端居有所思涼深蟲響切風急雁行遲浩
蕩嗟生事窮愁積歲時欲知悽惻意盡日把君詩

送丁天因之山右

崩侯仍向晉陽過蟋蟀遺風近若何雁信迎霜銜落日

看君匹馬渡滹沱

八月十五夜

行雲磊磊秋天高
空庭炯炯鋪銀濤
雲開乍見端正月
萬里一照同良宵
良宵獨坐嘆遊子
酒罷歌闌心似水
天邊征雁過還鳴
窗外驚烏樓復起
悠揚忽奏鄰家篴
一曲伊涼怨行役
隱隱哀笳絕塞聞
茫茫衰草連沙白
清光五夜滿長安
多少閨人獨自看
瓊樓玉宇高寒甚
不道關山更苦寒

夜坐

四壁蕭蕭絡緯鳴短檠相對欲三更
分明蕭寺空山裏只欠鐘聲與水聲

秋夜

夜讀轉深更中庭起微步曠然塵宇清
絺衣怯寒露斜月白紛紛秋聲在高樹
仰見連飛鴻肅肅天南去

得內弟查禹書書知將入粵詩以遙送

頻年聚散愴離羣北轍南轅首路分
今夜一輪燕市月

清光不隔嶺頭雲

松泉集卷三

欽定四庫全書

松泉集卷四

起己亥至癸卯

吏部尚書汪由敦撰

晤吳表兄光美有贈

十年成一別握手意如何詩律知能細才名孰與多慢

亭開曉色

兄以慢亭懷古詩受知提學韓城公

瓜步起春波狂欲沽燕酒

從聽斫地歌

愧我蹉跎甚看君意氣生逢時真挺拔壯歲且崢嶸貌

虎猶深入弓刀亟點行情親相望切好為請長纓

踏燈

腰鼓鼕鼕逼漏聲連宵燈火漸分明
衣裘尚覺餘寒入門巷翻疑似水清
霧氣車塵風裏暗馬蹄人影月中橫
歸來又起千山夢不為難消五夜情

池塘新柳次韻

柳枝高與酒旗揚新水鱗鱗漸滿塘
亭外行人欲分手樓頭少婦早凝粧
但教拂面光風暝一任漫天舞絮狂

聞道玉河隄畔路斑駁驕處拂鞍長

東風何處不飄揚冶葉倡條覆曲塘晴碧欲迷隋苑水
嬌黃初倚漢宮粧最憐妖嬈眠還起遮莫風流舞太狂
惆悵陽關斜照裏年年爭與別愁長

夏仲昭墨竹

卷尾有白書劉平山
蒼庭君傳小楷并跋

畫師畫竹古不少士夫獨愛文湖州寸萌自蓄百尺勢
墨君一記成千秋後來好事足摹倣雅尚直欲追王猷
太常名擅宣英盛縑素流傳最清勁即看此卷窮意匠

畫真畫意兼殊勝

跋中有云王舍人孟端謂余曰古人有為此君傳神者有畫意不畫竹者

二者皆可取要不偏廢為尤勝

平陂泉響微風入瀟湘雨歇秋烟暝

更添怪石點莓苔叔楚仲圭皆蹭蹬卷尾烏絲師樂毅

嬋娟插花窺曉鏡平山佳傳蒼庭君南野西疇促相贈

我聞同時有王紱蕭森直削風霜骨孤懷獨結此君契

未許機村酬俗物寶繪雲烟紛過眼對此翻令心若失

參天蔭戶排榆槐木瓜洲上空蒿萊

余家洲名

復輿未就潭

柘寺

京師惟潭柘寺有竹

願假此卷一日摩挲千百迴

酬戴孝廉兄卯君

解經不窮戴侍中紺珠學海探驪龍飛黃騰驤意氣盛
閭闔誅蕩生長風舊家同閑論中表前年邂逅西陵道
親情遇我顏色溫別後新詩風格老題扇殷勤遠道開
得之何啻干瑤瑰低頭敢辱昌黎拜羣從漫擬烏衣才
同舍論文有潘岳篇翰風流才卓犖賦詩贈我兄繼作
揚馬同工非異曲兄也射策偕計車貽我潘子尺素書
春城烟花迷紫陌咫尺不見心踟躕吾兄潘子兩寂寞

雙龍暫飲芙蓉鏢山輝川媚光不揜看向承明留著作
道場山色碧浪湖丹楓翠竹搖黃蘆且坐秋樹操奇觚
兄書齋名
秋樹山房烏程美酒傾百壺座中名士皆吾徒手將談
柄玉不如乘興扁舟欲相訪朔雲南雁一行孤

題蘇詩後

逸氣何心獺祭魚縱橫萬卷讀殘書別裁最惜遺山老
多事飛鴻笑蹇驢

杜詩韓筆舉牛毛

蔡夢弼有千家注杜詩魏
仲舉有五百家注昌黎集

武子龜齡

亦足豪何意白頭蠶尾老更從爾雅摭萋蒿

謂阮亭尚書也見帶

經堂集

題樊川集後

賦就阿房最少年東都才子杜樊川維摩圖畫書張好

三絕何如老鄭虔

元章畫史云潁州公庫頤凱之維摩百補是杜牧之摹者

元夜

村舍風光五夜過春燈合岸射晴波當頭璧月沉沉夜
勸客銀船緩緩歌對酒漸傷前輩少追歡惟聽舊聞多

板橋霜重人初散不醉其如曉漏何

題蒹葭書屋圖

平橋流水帶疎籬竟日無塵靜掩帷不向書莊醉秋色
相逢恨較十年遲

連宵歸夢越江烟午倦披圖一惘然此景故鄉隨處有
只無人送草堂錢

贈別李文學

燈火相親閱歲年掉頭重補白華篇輸君占取爭先著

長夏山村儘晝眠

鄉心日夜繞茅茨
莫笑吳儂見事遲
闌暑一帆歸路穩
暮雲千里渺相思

題沈上舍穎谷涉江圖

一片秋光染黛眉
芙蓉裊裊柳絲絲
莫嫌珠露侵衣冷
留待前山月上時

渺渺秋江鏡面平
明璫誰與寄遙情
一枝折得渾無語
笑問緣何太瘦生

潯陽江畔越江頭
旅髻西風到處愁

楚越皆潯陽舊遊地

得似圖

中行樂否綠尊紅袖總宜秋

六街春老鎮垂簾
摘槩懷鉛歲月淹
離得書堆神便爽
那容花酒一時兼

哭高淳張先生

悵望春風續舊遊
哀音忽到痛長休
家門涕淚逢寒食
逆旅荒涼恨首邱
前席虛承宣室召
遺書終待茂陵求
雲亭負土龍門謚
多愧侯芭與薛收

寄宣城孫文學二吉

平生志古人友朋積深眷相思或聞聲不必覲顏面憶
侍滄溪師同遊盡東箭往往說孫郎超絕冠羣彥我攬
敬亭雲作書介相見問道水陽村落帆夜參半月黑犬
如豹巷陌不可辨客行貪利涉坐此阻歡譙朔南一以
睽索居獨寤歎嗚呼滄溪師昨被吳公薦

至尊重經術遲對金鑾殿鵬鳥來何方逆旅遘異變俯
仰夙昔遊徬徨淚如霰門戶何伶仃不絕但一線篋中

富遺書健筆蛟龍纏文章福南豐餘力及詩卷黠鼠與
蠹魚疇能保完善偉哉麟經業權衡百家傳大義宗考
亭立說務貫穿將無不朽言遽託廣陵散賤子疲駑資
蟻封日盤旋負土愧侯芭定文非李漢寸心耿獨知未
敢規矩倆悵望同門友居不隔鄉縣副墨託子傳宗風
力能扇揮汗手緘書蕪辭申繾綣太元五千文惠言倘
風便

送編修成先生使安南

并序

康熙五十有八年安南國嗣子黎惟禔當嗣位
奉表請封

詔許之翰林成先生受

命為介使持誥冊往涖其國予於大司空公門下得從
先生游於其行敬以言贈曰

聖天子盛德明威覆露萬國薄海内外悉享悉臣至其
繼世襲封則發使將命以正其始蓋六十年間
高句麗流球之使後先相望所以懷來遠人示

天地之量恩禮周渥古未有也藩服君長承

天子威命以鎮撫其民人寧輯封宇貽厥子孫奕世休
享斯已榮矣載在史冊謂為傾嚮德化能恪共
臣節篤迓天庥以視負固弗率陸梁無人之境
干犯譴怒者其於順逆得失之理何如也在詩
四牡皇皇者華次鹿鳴之後士始入學肄業及
之專對而不辱命聖人以為難能漢之西都以
能使絕域者與將相同科有用此致位徹侯者

昌黎稱殷員外為知輕重大丈夫蓋其事重矣
今之使者體尊而寵乘輅續食雖適萬里外若
郊圻然入其境迺勞宴饗之節嚴具迄成事而
贈賄加厚屬國處事王朝之禮備焉其於道里
之遼遠行李之勞胥不足道夫以文學爾雅之
材錫命遐方奉宣

朝廷德意俾遠人慕義之誠永矢弗替致

國家久遠之安於所謂重且難者勝任而愉快此陸賈

司馬相如之徒所以自幸其遇也況體貌之崇
重行邁之光華與時勢之易劇又視古而益光
也乎先生湛深經術通知時事成進士釋褐甫
五年授職逾年耳遭遘

知遇用當其才

天子加意翰林侍從之臣多致大用先生其以茲行始
歟爰賦詩以申意其辭曰

粵稽古帝典南交正義宅翳惟廣運神聲教訖無域禹

跡既就湮疆理區郡國荒忽軼羈縻威遠靡遺力巍巍
銅柱標縻泠表殊績部嶺始建封李陳亞代易南征靖
難餘西平愼能敵內附及仁宣繼承遂無忒

皇朝配天命厥角首奉璧

帝嘉效順邦榮命賁三錫節使麒麟袍馳驅祇於役禮
成務咨詢兼舉採風職此邦同文書事可徵載籍文采
邁叢祚賦詩稱益稷紀述貴朝英能言許黎崱恭惟文
教隆梯航屆重譯按圖函坤輿測景窺星極明都况錯

壤休養淪滅澤方言廣蒐羅足以供修飾太史著作材
文章耀東壁熏以都梁香架之珊瑚格持此壓歸裝金匱
備故實炎徼風土殊蠻烟黑於墨英蕩載

皇靈勉旃愛眠食

夜坐即事

橫吹羌笛間琵琶急拍頻催畫鼓撾苦調闕山聽入破
只疑瑣帳卧龍沙

題畫瘦馬

汗血曾經百戰場
昭陵誰貌舊飛黃
千金倘市權奇骨
伏櫪雄心為激昂

破棧殘芻事可哀
霜蹄蹀躞倦黃埃
如何峻坂鹽車重
更遣奚官執策來

和司空夫子塞外午日韻

龍沙納鉢儼黃圖
勝賞蒲榴興不孤
晴樹排簷千嶂合
薰風入座點塵無
爭標漫憶飛蘭槩
映戶新看綴赤符
遙想高齋清賞處
依人花鳥似仙都

漫榻丹砂五毒圖問奇人散客懷孤日穿高樹移疎密
雲寫奇峯半有無卷裏楚騷香草賦釵頭兒女赤靈符
鄉園更切懷人意蒲酒同拈望

帝都

席晤齋三十初度賦贈

玉樹龍蔥映玉除烏衣裙履更誰如親從丹地承

天語許賜青春讀父書揀架早看文史富題詩多在笑
談餘今朝甲子周才半雪藕冰桃曲宴初

清簾朱簾稱雅遊
浣花牋紙寫銀鈎
俊才自是無雙客
家學還承第一流
即次雲霄矜彩筆
賞窮風月倚香篝
飛騰十載登臺省
接武沙隄尚黑頭

寄浙中諸同人三十韻

憶昔萬松陰講堂
聿重新賤子被裋褐
始窺學海津有斐
衆君子鼓篋來駢駢
同方獲所願詎混玉
與礪儒宗端矩矱
譚藝鋤荒榛下帷寒
暑易比舍燈火親笑談
發妙理問難氣益振
佳時暢良遊載酒沽車
茵觀潮陟層

嘯散步西湖濱歡會不可常往往為酸辛前旌忽言邁
盛事難再論塘西折楊柳春水波粼粼遠近各分途含
意未及申嗟予重離羣三見京華春執經陪宴坐提耳
尤諄諄寄言勗吾黨貴此席上珍經術窮安與吮言辨
其真敷文為國華樸茂含清淳厥修凜前軌顏巷與摯
莘曠懷咏唐虞致用覘經綸卓哉吾儒理秉道康斯民
勿云章逢賤媿情惟憂貧端居賦停雲誰與共為仁聚
散不足悲奚問亨與屯所愧知己言竊質費陶甄仰視

白日馳望洋苦因循三歎誦所聞遣辭增主臣諸君氣
卓犖如竹箭有筠努力執高義去疵歸大醇學成待明
問宏濟安羣倫

鄰家按樂歌

秋波穆穆秋天碧棲鳥無聲巷柝寂輕風不許隔銀牆
別院吹來宋纖拍池中方響當先鳴衆音繁會宛轉生
按節舒徐久方定明星爛爛長河清橫敲紫竹寒冰折
曲澗幽泉自鳴咽一聲高引橫笛孤急管頻催半將絕

銅丸忽落當中心白雨飛散青楓林驟如平沙歎玉馬
暢如春曉啼花禽湘靈夷猶步蘅薄沈魚一縱不可尋
甲第排雲何窈窕良夜沈沈羅衆妙已聞法曲動香塵
翻惜紅燈迷玉貌燕姬如花舞且歌流黃照席低綳荷
葡萄滿酌金巨羅少年行樂有如此一石不醉如髡何
篋中檢得壑菴紀遊詩因成長句寄諸同學

我友昔探壑菴勝掃壁題詩發清興惜我南歸失此遊
示我新詩未酬廣壑菴之勝我所諳叢篁森木陰交參

橫枝略約人稍度，窈然淨淥臨寒潭。潭中金鯽深不見，
散齋何處尋精藍。徑循欹磴轉平谿，陰洞玲瓏石齒峯。
磨崖舊傳涑水書，鴻都石經遠相匹。雨淋日炙莓苔深，
虬龍盤遊走雄筆。齊雲清曠無餘迹，石上藤蘿雜蒙密。
前峯孤塔挂夕陽，半嶺松風摩健鶻。柳外隄橫湖水平，
飛樓一角紅牆末。淹留曾待晚鍾動，三年不到心若失。
篋裏烏絲重在手，愴懷勝踐思良友。遙禮雙峰清磬聲，
笑飲窪尊下若酒。餘閒且盡登臨樂，興來爛漫諸千首。

長安秋風塵漲天笑我藜牀坐欲穿西山蒼翠落我前
清詩讀罷空茫然

齋中讀書

端居謝酬酢遊息在六經迢迢三千載考見得失林晷
盡未遑倦隱几耽長嗟然以忘言聊復獲我心寡昧
習所翫奧義不可尋蹉跎積朝昏歲月長駸駸庭柯隕
哀絳征鴻厲哀音興言秉燭光敢棄分寸陰却步不及
前短綆不及深來日豈不多恐復不如今

黃河來何方乃自崑崙邱曲注東入海其長亙九州浩
浩不竭源潏潏萬古流大哉百谷王日月倒景浮含納
富靈怪蕩涵窮維取桐子拘於墟能復見此不飽腹快
鼪鼠方隅局羊牛我欲凌搏桑道路阻且修泳游豈云
勞羲和去我道

曜靈懸中天萬古光皎皎鐘鐺逐形聲善喻詎能曉曰
予性迂愚委懷事研討遵軌慕前修負俗恥溫飽恭承
作者意庶測深宵勞心佃甫田良苗就枯槁聖謨豈

不章曲學自紛擾岐路多所喪迴駕願言早

弱齡抱鉛槧觀古投衆好東馬騁妍詞曹劉振高調下
迄六代餘百家轉相效散文羅萬有暉麗紛照耀目眩
海若藏心蕩南威貌雕蟲壯夫耻華辨至人悼玉卮美
無當刻楮日徒耗望海航絕潢廣陸泛滛潦祭川先長
河斯道卓先覺

懸黎蘊荆璞國寶何由呈雕琢經良工黃流薦明庭自
非磨治難無以發光晶純鈎不廢研繁弱不廢撤險巖

飽所歷拂亂習所懲懼思厲无咎庸欲玉汝成

題冲庵松泉小照

冲庵家維揚
候補郎伯

蒼髯五粒拂龍鱗白石清泉絕點塵
解識此中瀟灑意不妨從事强班春

松風謾謾散幽襟境僻何人覓賞音
除是滁陽沈夫子抱琴來寫醉翁吟

烟月繁華廿四橋竹西歌吹玉人簫
聽泉小坐長松下洗盡春風滿耳驚

陶然亭

牽衣躡層阜縱目得遠寄
開軒面西山秋光澹寒翠
何待傾壺觴始會陶然意

刺梅園卧松

蒼然具鱗鬣支離亦自喜
一卧三百年荒園困泥滓
會恐得風雷變化排空起

黑窑廠

疎林帶長薄孤邱峙平野
雙闕散晴暉塵中見車馬
我

愛秋水明澹然塵慮寫

聞雁

入塞聯翩雁幾羣悲鳴嘹唳入層雲蒹葭水國霜初落
砧杵寒城夜欲分風勁葉聲寒槭槭月殘簾影白紛紛
莫驚小婦邊關夢角枕孤燈不忍聞

郭熙秋山行旅圖

秋山蒼蒼白雲晚細路縈林不知遠半渡寒流匹馬遲
坐蔭丹楓行客飯牧兒吹笛跨烏犍籬落雞豚夕照邊

金史卷之八
席帽氈裘塵積面荀輿襪被記前年

黃金臺

世人重黃金侈說燕昭臺百鎰不敢愛用以招賢才我
疑揮闔流以此誇輿儻豈有伊呂輩肯為黃金來七雄
既瓜分功利爭喧阗開口取卿相攘臂皆盜魁彼哉樂
生書失路終徘徊尚誇濟上勲列城一朝摧豈知怨毒
深乃甚黔黎災烈火轟萬牛故宮幾蒿萊匹夫貪厚餌
再世遺禍胎至今中心滔滔不可回俗士感良遇酹

酒弔郭隗安得如土賤朝市清無埃

秋夜

紙窻鳴朔吹槐葉下霜枝客思秋深夜鄉心雁去時沈
吟燒燭短獨酌聽更遲不是逢搖落誰知宋玉悲

不寐

木榻絺帷枕簟清深秋入夜薄寒生殘燈近月都無燄
落葉當風然有聲默誦舊書多未熟苦吟新句倦難成
悠悠總負平生志坐聽鄰雞報五更

答家弟

不是前身戒大師漫持培塿較峨嵋只今斜日棠梨影
束手岐陽獵碣詩

和席晤齋秋夜感懷

黃菊東籬送晚秋高懷落落更何求簾移花影催吟管
袖拂鑪香對茗甌感慨難忘當世意清狂深謝少年遊
似君才地原無敵龍劍行看匣裏抽

力田從道必逢秋隨分功名豈易求坐守青燈餘鐵硯

真拚白髮待金甌有書悔不十年讀無用漫為千里遊
中夜憂生何所似雨餘春草綠齊抽

贈鄒孝廉琢其

鄒子新相知中吳秀所挺經箋既紛綸史傳力馳騁為
文去陳言下筆闢新境雄快剽蛟鼉精銳走雷霆披帷
一相見皎然珠光炯竭來日益親綠槐舍鄰並招涼月
初上却睡晝方永慧辨偶棖觸解頤類匡鼎顧其精勤
功孤詣衆務屏下究觚弦術畧涉要已領富矣著作才

什伯邁凡等陋儒守章句窮默落荒阱百番鬼園冊不
啻律令秉稍與則古昔避若蠱聚皿斷事口懸河論文
贅測景江河勢斯下頽流孰能拯緬懷古先達大業丹
青炳夾漈與鄱陽矻矻事考訂指掌數千年條舉實井
井提要亦鈎元鎔金出頑礪開編歎已屢但恨乏修綆
讀書苦遺忘掩卷百不省坐令歲月馳絕潢泛舴艋君
才既超邁力瞻志亦猛及今廣蒐擇勢可窮溟滓倘能
成一編藝林翦榛梗援據必精覈發凡務明整識大小

勿捐剗然導肯綮雕蟲何足為石暈木有瘻名山可千秋狂夫敢以請

索馳

洛下銅曾鑄流沙產特殊夕陽山影矗風雪塞程紆曲
項奚兒掣明蹄駿馬俱戎鹽甘齏嚼背錦惜模糊泉湫
能潛測莎平任穩趨側峯行翠金落毳織璫輸轉粟軍
行重輸官國計需莫憎無斌媚高價比駒駖

為鄒孝廉尊人題陶陶軒

道鄉高節不可攀承家尚見諸孫賢恥將門第競王謝
位置乃在長沙柴桑間虛齋歛膝日危坐尊中有酒琴
無絃令子才高氣倜儻雕龍博辨雄談天遇予孫宏閣
從之溯淵源坐令走也歛衽無問言走亦慕竒思尚友
但恨精勤恬退難兼全三代而還一諸葛身都將相康
時艱機神明鑒察纖密井甃工械窮輸般顧其始終守
淡泊隆中草廬成都田二公在典午庶幾足比肩窮達
雖異致得非易地皆能然俗流齷齪托宏達或以叢胜

稱勤虔安得日與二公相周旋我雖未覩先生顏已如
躡履陶陶軒功名自分羊劉亞懷抱想像羲皇前

晤文學兄雲尺四首即用金文學長孺贈行詩韻

阿兄

昆

雅有論文舊仲子相思合并難此日逢君成一

笑家園不抵似長安

天街襴襪飽緇塵鍵戶誰當讀等身蚤有驚才傾沈范
底須溫卷更煩人

四子當年擁玉珂才華可許後來多何時邀取積山子

試聽旗亭畫壁歌

兄惟憲送行詩以堯峯同館四同姓之句發端故云積山惟憲別號

同舍金生

繪由

意氣佳倡酬端足散奇懷寂寥最恨層城

隔茗椀詩籤未許偕

東金上舍繪占

我愛梅泰順稱詩風格老解組過吳山遇君頗傾倒耆
宿日凋謝來者盛機巧里耳悅箏琶盈室雜蘭鮑誰與
鞭古心獨立萬象表江月澄素波浮翳快風掃珍重珪
璋姿載藉五就縑

除夕雜書和韻

百年心事苦蹉跎，獨坐虛齋謝客過。
霽雪千門歸雁少，斜陽一抹亂雅多。
祇憐阮籍疎狂甚，其奈虞翻骨相何。
裘馬五陵知不賤，寒氊那得羨華珂。

非才豈敢歎蹉跎，寂寞年華覺易過。
學力難爭時序急，鄉心總惹夢魂多。
風前柳色驚春未，雪裏梅花奈冷何。
何日青陽回紫陌，東華仙仗聽鳴珂。

狼籍詩箋催臘去，淋漓春帖逼除過。
文章肯信詞壇少，

祝頌應唯

聖世多豈有才能傾沈范却教辛苦效陰何
春明滿眼青雲客照道光華擁玉珂

初春登白塔

琳宮孤塔麗層霄

紫禁參差入望遙
樹裏玉河冰未泮
雲邊殿閣雪初消
人烟歷歷開燈市
羽騎駉駉過畫橋
春色更看天上早
麴塵欲變柳千條

黃昏

虛齋晏坐逼黃昏
又見風光近上元
烟市花燈纖月落
春城簫鼓晚風喧
餘冰古硯呵仍凍
宿火寒罏攤乍溫
五夜預知歸夢穩
梅花殘雪滿山村

月夜有懷

獨客天涯意萬重
春光不抵客愁濃
楚江雁去經旬別
鄉邑書來隔歲封
向晚薄寒風嫋嫋
中庭宿霧月溶溶
不知土銼燈殘夜
孤枕還聽何處鐘

家鄉每以孟春十日集種慧庵拜瞻先岡卿公西
江遺像文學叔思思先生曾有詩索和迄今遂
及十載叔下世已六年矣客齋夜坐愴然感懷
成長句二首

東臯展拜趁春晴猶記官橋撰杖行上日衣冠三世集
中宵燈火十年情

庚寅辛卯間
余讀書庵中

疎聞山磬看歸牧細酌

村醪聽早鶯極目平原斜照裏霜鳥一片斷腸聲

凭闌有句費冥搜零落詩篇篋裏收風雨離情池草夢

叔赴中州時過錢塘別子旅次
適不相值家大人命寄詩贈行
琴尊往事竹林遊嶽雲
縹緲空千疊墓木淒涼又幾秋
把卷挑燈難再讀思鄉
懷舊淚雙流

晤公車諸同學

京國相逢笑語溫
雲霄咫尺是龍門
冰霜襮被三千里
風雨篝燈十萬言
命世文章期大雅
逢時科第總深恩
只餘回首談經席
轉覺湖山役夢魂

匆匆握手畧寒溫
惆悵雲亭孰款門
馬鬣何緣完宿願

雞壇知不負成言潛鱗正切飛騰意枯卉期沾浩蕩恩
三載離羣今暫慰棘人吟望苦銷魂

九日集秦南沙黃門寓齋觀碧山吟社圖率題長

句

沱寥天氣愛重九清齋醉客黃花酒焚香看畫開錦贖
塔影山光照虛牖恍疑身到第二泉翠竹高梧帶平阜
衣巾古雅映鬚眉几杖清幽間尊岳勝集傳從貞靖翁
留題尚識延陵叟胡吉東都樂觴詠文韓洛下推耆耆

或揮紫豪坐據案行掃蒼壁立昂首高僧入社把松枝
令子趨庭紆綵綬披圖試按文莊句髣髴猶當辨誰某
石田筆墨希代珍寸縑尺幅等圭卣况從遠祖想遺韻
宜比圖球世藏守蒲帆憶溯梁溪隈厯山照眼青崔嵬
樓鞵布幘惜無分臨風往往牽長懷但聞名園據絕勝
澗清石潤無氛埃舟人指點林麓外

翠華行處光昭回蘭亭梓澤惟蒿萊履道獨樂安在哉
名家風流獨不替衣冠奕葉皆黃台碧山先後有佳話

吟卷一讀凌歐梅先生且展經綸才蒼顏更待廿年後
論齒方與諸老儕他時丹青傳好事走媿生晚寧容陪
再拜題詩恐點汙月蘭掩卷辭深杯

家繕部西亭兄以所刻香山詩見遺却贈

三唐諸大家風雅衍餘裔白傅挺異才之無稱早慧勃
興杜韓後託意在兼濟生平數十卷根苗緣六義樂府
切時事秦中激流弊正則懷離憂賈生欲流涕忠憤動
日月易下唐生淚跌宕花月間放浪山水地新體豔流

傳險韻恣劇戲辨真雞林相長價青樓伎誰雪樊川誣
未免贊皇伎一篇長恨歌千秋說才麗時重已所輕知
音良不易後人喜吹求輕俗指瑕類摹倣昧別裁茅葦
雜蕪穢吠聲滋游談竈婢與擬議豈知江河流萬古浩
不廢決羽學謝生三千詎容企不聞鄰女顰能掩夷光
媚歎息羣兒愚誰為決蔽蔽或疑達者胸沾沾計名位
名心諒難忘退尚有微寄情雖戀簪組跡幸遠權勢歛
足任文間脫身牛李際劉元彼何人擾擾冰炭置自非

秉明哲寧能免顛躓遺編吳蜀譎離合亂篇第東林與
香山藏錄等淪棄英英吾宗彥汲古敦夙契標舉四家
詩刊定韻府字篤愛長慶詩一一整編次考事重表年
尚友資論世辨證抉羣賢鑿鑿起凡例鑑精杜刊誤功
埒韓考異竭來佐冬官游及見利罷有明諸曹郎稱諸
樹赤幟吟壇執牛耳內翰三舍避况君淵源長博雅想
精詣商邱暨長水辦香後塵繼何時休假旬一尊試談
藝

題家某小照

石瀨咽鳴泉秋烟澹高樹把卷坐溪潄幽探鄙章句高
山流水間別有會心處聊因池草吟一寫雲林趣

松泉集卷四

欽定四庫全書

松泉集卷五

起癸卯至戊申

吏部尚書汪由敦撰

癸卯秋

詔修明史被薦得與編校八月十六日引

見乾清宮恭紀并呈總裁諸先生四首

閭闔雲開直九天曉趨

清禁待傳宣風聲乍聽尚書履日影初移學士甄銀箭

玉壺催刻漏綺疏珠網罽爐烟分班奏對承

天語多半瀛洲侍從仙

同引見者廿人
詞林凡十七人

觚稜高矗五雲濃塵外何緣識禁松日晃

御屏顏咫尺春生

秘殿語從容上公啟事承宣密近侍分行列衛重白玉
螭頭齊鵲立草茅於此慶遭逢

筆札初傳出禁闈史通何處問知幾

精言兩字惟忠厚公論千秋有是非昭代典章元鄭重

異時聞見總依稀
汗顏多愧蓬山籍
况復章縫姓字微
盛典當年有制科
一時簪筆侍鑾坡
敢希東馬文章貴
已忝鷗鷺薦剡多
世本待刪須論定
長編未就竟如何
發凡一一煩元老
得附青雲幸不磨

題風雨歸帆圖送沈文學歸里

秋來容易動鄉思
送客傳看畫裏詩
兩岸芙蓉開似錦
橫塘西去落帆時

題畫

沙隄芳草抱裙腰一片桃花萬柳條宿雨初收烟未泮
畫船纔過段家橋

史局口號

不須潦倒問青衫玉局陳編待發凡農部按期支月俸
諸生一例署頭銜敢從班馬論家法且續金元整舊函
怪底塵封浣花紙年來綺語盡教芟

題石牀峯

黃山三十六峯之一高八百五十級上有石牀橫陳如白玉琢成又有紫石牀

三碧玉枕三相傳為容成浮邱二子寢息之所

岵嶺峙孤峯千仞雲外直上有白玉牀晶瑩萬古色長
松偃為幃流雲布為席容成與浮邱侍帝此寢息寂寞
丹竈冷縹緲寄遺跡安得百丈梯雲卧數晨夕歌枕恣高
吟俯瞰衆峯碧

贈王生

史局四十人乃翁我兄事鄉書昨同薦名姓適相次雅
自愧盧前聞者頗歎異因緣臭味投膠漆記真契從容
汗青暇歛衽悉家世丹山雙鳳雛對客良足慰竭來暑

雨中喜覲之子至溫然眉宇間秀露詩書氣冰雪瑩精
神舞象甫逾二乃知豫章材拱把已蔽芾從來名父業
負荷殊匪易昌黎萬金產僅了瑟僖義經術謝菑畲翻
悞金根字君家青箱學歷歷有傳繼乃翁文中豪萬斛
泉湧地雕章五色筆旁觀但睥眄紛吾繆隨肩何啻三
舍遜子如新發硎龍泉走精銳况復淵源長來者亮足
畏秀木敷春榮嘉禾挺秋穉賦質雖非凡亦不廢滋漑
譬子江東來程舍累千計始循徐究郊終覩宮闕麗周

歷雖艱辛遠道不難致努力事巾笥六籍探深邃蕭齋
掩清闌昕夕祇嚴誨此景不易得勉旃慎自愛寶此瑚
璣資追琢成令器贈言識世好質直聊申意

露

星河耿耿夜迢迢涼露霏微下泐寥金掌月明微有迹
玉壺冰徹未全消傾荷映水珠初落叢竹和烟影自搖
莫向芳林傳故事吉雲飄緲隔層霄

題北部伯千波黃山采藥圖

昨宵夢到天都峯振衣直上青芙蓉俯視九有皆鴻濛
白雲萬里盪我胸兩袖似挾扶搖風朝來敬展寫真卷
三十六峯猶在眼丹崖翠壑異人寰索負長鏡隨大阮
年時曾讀紀遊篇冲融突兀凌無前林巒一一開生面
刻劃造化成天然孤撐卓立面戍削森羅衆皴堆空烟
蒼松千尺走絕壁銀河百道飛清泉圖中所畫纔一角
未若詩句圖其全雄才自得江山助勝地雅藉傳人傳
此圖此山俱不朽况復詩篇滿人口我生欲到嗟無緣

且喜留題衆賢後高齋咫尺有蓬壺山靈入夢應非偶
人生蠟屐須幾兩致身福地窮歡賞軒轅遺臺在鄉曲
黃精苗深芝草長清時管葛不容閒那許攜筇謝塵鞅
好卧元龍百尺樓雨餘近挹西山爽

題墨菊

東籬風雨過重陽冷蕊疎枝晚更香為愛柴桑老居士
濡豪重記墨君堂

夏日瀛洲亭即事

虛亭高敞晝沉沉勝侶抽豪喜盍簪入座好風能却暑
蔭檐榮木乍移陰新詩咏罷尋顏樂舊句拈來識舜心
好是玉堂清暇日絳帷披處有知音

是日課薰風自南
來賦故有舜心句

董孝廉扶搖省覲南歸奉邀小集以雨阻見示長

句遣騎走迎即次來韻贈別

連朝雨困成拘攣舉足淖淖如臨淵夜來飄灑復到曉
坐令良友不得前長鬢踉蹌出佳句墨化着紙猶新鮮
開緘快讀讀且笑此事豈不懸於天長安索米劇珠桂

水陸未易排長筵冷官自奉祇葵菽座上無客尊常乾
偶因惜別命小酌荒厨已覺濃炊烟鴨不能言殺亦可
階下跼伏如鷗鳶罽衫衝雨避沾濕銀鞍傍險毋遽速
他年曲江赴花宴馬蹄騰踏容誰先市沽一醉亦何有
知己相對緣寧慳情親况遇竹林阮有酒不飲真徒然
歸裝南下得快意倚閭白髮遥相憐蒲帆秋水疾去箭
應勝驢背搖晴鞭到時上堂具甘旨董生何必非前賢
董孝廉即席再和走筆奉酬

新詩脫手舒拳掌沉魚仰餌浮重淵荒齋鮭菜愧未稱
且喜壯觀當我前長安朱門足酒肉駝羹翠釜羅腴鮮
清歌妙舞恣行樂達旦椽燭紅薰天萬錢下箸歎不飽
惡客罵座虛瓊筵何如我輩樂文字長鯨一吸西江乾
觴餘逸興正未已擘箋竝案磨松烟高吟疾讀字難了
倚牆對聳肩如鳶逢場快意且作達莫問世事嗟迤邐
爭奇鬪捷發新意險韻寧怵他人先羸羊不踏菜園破
却笑已破天公慳旅懷披豁豈易得良朋合并非徒然

有才如君利脫穎彈鋏詎肯容人憐
明年花發遲君至
春帆飽放揚征鞭豪情更續金谷飲
定有妙句凌羣賢
次日早晴孝廉三疊前韻志喜漫成博笑

陽烏刷羽不受攣力挽羲馭迴虞淵
雞聲呶喔客夢破
晨光已射簾櫳前董君乘興發高詠
秋空新爽同妍鮮
泱旬愁悶頓驅釋直賴健筆能迴天
喜因景物助酬唱
底問醉飽論盤筵朝來送客出門去
馬蹄蹀躞晴沙乾
平郊列樹淨如沐西山一抹堆蒼烟
負塗不見涉波豕

排雲但快當風鳶回思昨朝足惆悵天時人事多迤邐
將明祇覺晦愈甚欲妬翻令睽居先豈知造物自有意
借此欲破詩翁慳董公健者萬人敵挑戰不已戈鏗然
詩成宿霧果迅掃有才定荷天公憐南行正遇好風日
紀程隨路催吟鞭瀾翻泉湧遣誰和強伴可得如君賢
題司命畫像

倬彼雲漢為天章提挈魁柄戴斗筐昭回萬古照萬方
下司祿命權文昌通靈畫手煩忖量冠冕秀發神清揚

手執如意垂雲裳
龐眉仙官玉佩鐙
偃僂舉籍首獨昂
似有咨度求催詳
猗歟

聖代文教滂羅才
巨網九罟張榜花
淡墨姓字香排青
雲兮上玉堂
惟神麗天靈洋洋
際詞我欲謁帝閭
願就織女乞七襄
下為文士充肝腸
天瓢萬斛斟霞漿
淨洗氛垢薰都梁
澄汰沙礫垂琳琅
鈞天大樂宣宮商
毋令蚓竅喧蜩蟬
五色照耀儀鳳凰
怪鷗反舌皆伏藏
判別黑白操宏綱
坐令百代文運康
皎如朝日明扶桑
珠宮

深迥雲路長銀潢如帶不可航
仰視帝座惟蒼蒼濡毫再拜心彷徨

送錢香樹前輩奉母南還五言十韻

暫輟承明直言歸長水居田園何足問
色笑喜全舒南去經程穩秋來放溜初
近檣看海燕入饌有江魚花港菱初熟
菰塘柳漸疎錦囊依韋幔畫舫即潘輿
仕宦誰能爾神仙迥不如青峯江上句
紅藥壁間書

先生夏初來太夫人

遊豐臺有詩紀事曾手書見貽

屢忝陪延閣行看領石渠幾時重接待

翹首暮春餘

題畫

辮髮垂肩燕尾青
驚鴻作態最娉婷
輸他畫史尋常見
一笑迴身近畫屏

寄酬家兄文學胥原

吾兄吾兄老畫師
元氣淋漓得天趣
餘事文章變化成
陶冶宋元立家數
前年握手都城西
聽雨樓邊幾良晤
蘊藉從知風雅深
披豁直教肝膽露
吾宗磊落多奇才

如君豈合長蒿萊
邗江一棹歸帆穩
遠道殷勤雙鯉來
黃絲縷縷含風細
素箋層層疊月開
屋梁落月紛紛影
池草詩成清夢醒
何時對榻更挑燈
讀畫論詩興馳騁
昨來有客貌我真
何當寄兄為補景
寫作看雲黃海圖
坐我千峯最高頂

贈寫真鄭君

時為余作雨中趨直圖

鄭君寫真擅當代
盤礴解衣窮意態
軒然眉宇露天機
元氣淋漓與神會
昨來為我貌生綃
太液池邊柳萬條

歷綠雙輪藉芳草飛塵輦路喜全消杏花彷彿江南路
沾衣欲溼霏微雨長怪江湖淡蕩人日向露寒趨直去
蹇驢蹉跎碾勞薪雨雨風風過一春萬卷圖書三館裏
匆忙自笑車中人君今襆被瀟湘渚題襟漢上應懷古
必逢佳士助神明到處逢迎多勝侶他時倦直承明廬
故園緩步懸巾車煩君更拂驚溪絹別作歸蓬聽雨圖

題放牛圖

拋却長鑣愛綠莎柳陰深處午風和笑他露盃南山客

辛苦還成叩角歌

草輒泉甘野性便短犁長謝隴頭鞭畫中金絡原無意
可許兒童背上眠

題鄭璵觀瀑圖

銀河一道落九天下有百尺蛟龍淵松根默坐泉洗耳
圖雖半面其神全茯苓作犬虬枝老境絕凡區恣幽討
匡廬烟景赤城霞與爾相期拾瑤草

賦得好雨知時節

館課

清和方屆候好雨正當時
渥澤天心溥恩膏物類宜萬
方均浩蕩庶品暢榮滋沾足
覃無外滂沱恰應期驟聞
飄點點喜協詠祁祁野潤濃
陰合雲凝宿霧披頓看涼
氣入輕受惠風吹柳暝初成
蔭花催漸滿枝麴塵消輦路
新水長蓬池漠漠連朝足霏
霏市地垂豈唯增景色
端為潤耕犁麥秀平畦密秧
針出水遲烟蓑來遠陌風
笠遍東菑望歲符民願占年
愜
睿思憂勤先稼穡時若慶京
坻

宵盱孚蒼昊長忻荷

德施

立夏前一日晚亭舍人見過同登陶然亭小憩訪

萬孝廉邦榮於清泰庵晚亭枉示佳詠次韻四

首

餞春須及未歸時剪韭留賓戒蚤炊乾鵲聲喧聽屢誤

蹇驢步穩到偏遲雪泥已掃三冬跡

去冬晚亭過宿時大雪風絮重

牽百丈絲節候暄妍人澹蕩可應辜負酒家旗

精廬寂寂綠陰繁
高下亭臺映古原
壇樹浮青空裏見
佛香縈篆靜中翻
蛙鳴淺草迷荒渚
蜂逐飛花過短垣
回首年時笑豪客
只攜絲管駐行軒

芸局頻年竟若何
賴君才大借餘波
垂簾靜晝長相對
聯袂芳辰興孰多
浮白且容眸暫豁
汗青寧待髻雙皤
從今公暇添詩課
險韻拈來竝案哦

古寺幽樓有素交
城陰路僻轉青郊
到門綠暗吟風葉
入市紅殷拆露苞
跡慕冥冥能遠舉
樂占衍衍玩中爻

空庭徙倚譚忘倦一任昏鴉拂柳梢

後十日出西直門至海淀有懷劉洵南觀察即用

前韻

出郭風光又一時烟生萬戶正朝炊地含餘潤飛塵少
山閣輕烟旭日遲逐隊遊蜂窺髻影作團飛絮裊鞭絲
高梁橋外停車處坐愛低簷颭酒旗

輦路逶迤細草繁人家遠近列平原村村柳暝啼鴛老
樹樹花飛乳燕翻幾曲畫橋通桂楫一灣綠水界苔垣

五雲深處聞宮漏，問字還容坐翠軒。

是日以書局謁
桐城師寓園

名園重到意如何，轉憶風流學士坡。

去年每至海淀
皆與洵翁同行玉

軫留僧清韻，遠鐵蘭題句。古音多途經，
邛阪心仍壯。行擁潘與髻，未皤劍外好山迎。
按部濤箋端合費吟哦。

落日迴車樹影交，密雲層疊覆西郊。
麥翻細浪初成穗，蘆茁新芽未解苞。
馬跡深於堆衆皴，燕泥乾欲拆重爻。
惜騰倦枕江南夢，梅雨浪浪笋出梢。

題鄒庶常秋海棠蝴蝶畫扇

一叢幽豔晚秋開
繞砌娟娟映綠苔
若向東風鬪顏色
可應頻首讓江梅

裛露當風粉翅垂
晚窻勻染夢醒時
憐伊空負尋芳意
不採春風向上枝

送比部伯南還

大賢樹宗望山岱
星有斗紛綸花萼枝
間氣竝非偶夙
抱經濟策盛譽滿朝右
生平管葛儔實用濟康阜
抽簪蘊餘業學海見大手
卓犖綜羣編揮霍麗萬有
武庫羅

千將清廟列主貞驅策杜老詩天巧若脫口木難與火
齊錯落腕下走論書更通神萬鈞妙迴肘鸞鳳翩迴翔
蛟龍互蟠紐游藝有神功前賢胥頻首碩畫更烺烺建立
在經久經訓溯淵源治術先猷畝韙哉探本言名論此
不朽行誼重田姜然諾信賓友溫顏接寒素傾倒善開
誘才力老益神精采晚彌厚宗支遠扶疎結契論文後
從容奉訓言矩步幸無咎披襟百尺樓西山靚當牖降
尊畧年位題扇辱瓊玖三年乏報章涉筆輒慚忸驪駒

戒南裝佳節正重九文孫玉樹姿嶽嶽麟在數長塗侍
征輿古跡辨誰某故園秋色佳紅樹映疎柳更泛湘江
棹衣綵有賢守道傍五馬迎踴躍趨童叟政譜手自傳
神明待裁剖暇日富篇章山海北涵負春風迴雁羣尺
書倘可取抒情述蕪詞聊代青門酒

和吳舍人初冬夜坐史館偶成

霜風槭槭夜初寒獨擁芸編興未闌奮筆直排千古易
爭情欲問寸心難漫勞敬播成凡例敢學知幾論長官

靜裏祇教鄉思切，篝燈坐聽曉鐘殘。

孤館論心有故人，連朝自笑往來頻。
年華祇愧隨流水，著述何緣就等身。
畫角城頭催落日，短轅驢背撲飛塵。
對君轉益慚疎嬾，還記聯吟是送春。

疊韻再柬

汗餘青簡照人寒，自愛尋詩更倚闌。
學擅三長原不易，吟安一字頗知難。

韓詩六字常語一字難

傳抄苦費揮千札，點勘

還勞役五官。他日松風亭畔坐，牛腰幾束笑叢殘。

晚亭以松

史自名

其亭

不妨札闥笑傍人公暇還邀索句頻散直政如初退院

出山那許便抽身

晚亭以中翰長告癸卯秋奉召蕭同修明史時念故山故以廣其意

齋聽雨驚殘夢

夏日雨中同宿海淀僧舍郊外尋花過隙塵立夏前一日同

游陶然亭晚亭有詩索和前篇落句即指此

贏得彩牋投絡繹曲高爭欲和

陽春

晚亭此作屬和頗衆

題百尺潭

奔流直下縈層林清潭百尺清且深懸藤但見猿鼯飲

白晝時聽蛟龍吟空山無人知汲取亂石聲確翳荒莽
頃刻還蒸萬里雲遍灑人寰作霖雨

題桐城相國汎舟圖即次自題元韻

元臣扈從承

湛恩禁林清切列

賜園台星炯炯映紫垣下直不愛絲竹喧蘭舟容與風
幔軒澄潭百頃芙蓉繁空明倒浸西山根浮查直溯星
河源曲碕宛轉連平原一篙劃破琉璃痕波光浩蕩涵

無垠雲夢八九寧足吞憶緣問業趨師門許歷苔磴揮
潺湲千行高柳碧浪翻玲瓏奇石羅瑜琨巖蕤雜花被
荃蓀層巒窈窕烟蘿昏暫到已覺超羈樊黃扉晝接倚
坐論調燮至治追羲轅化工觸目皆道存命圖貌出烟
水村堂名槐蔭軒桐孫天開勝境接

帝閭蓬壺咫尺誰能援膝前列侍雙鸞鵷樂志何必烹
羔豚賡颺餘暇歌詠言紀

恩述事貽來昆此圖此詩俱弗諼

春分前一日出東便門作

春渠放溜新風到欲生鱗却惜隄邊柳長條綠未勻

題虞山相國穀穗秋蟲小幀

秋深廣野霜華白露顆垂垂乾欲坼西風吹老葉半黃
岐穗競誇長竟尺腰鎌霍霍場初滌烏雀雞豚恣狼藉
侯蟲作意當風鳴據葉援莖看趯趯一物自荷皇天慈
飽竄土間饑就食車篝但愜望歲心滯穗留餘亦何惜
化工滿眼無人識但說墨池工設色始知元老用意深

不愛春華愛秋實

題沈尚書授經遺像

尚書蘊長德正學式頽靡矻矻手一編
伊洛探微旨平生所樹立致用端
在此卓哉弓冶傳嚴訓切提耳哲嗣
奉芳型深心託畫史披圖儼承顏
誰云隔千里昔人亦有言高門難趾
美杜陵稷契人但熟文選理歎息城
南詩公相乃挂齒經術日榛蕪
危言竊糠粃絕潢不可航周道自如
砥君家有淵源遜志究根柢駢箕嗟
慙遺丹

鉛尚仍几寶此手澤存勿令高閣度常憶過庭時勉旃
繼前軌

偕同館諸君過宏善寺看海棠花尚未放葛秀才
金鼎有詩紀事因和其韻

尋春郊寺愛寬閒仄徑行經野水灣塔影欲迷芳草外
酒旗多在綠楊間銀鈎粉壁堪留玩

寺壁有陳香泉太守林鹿原舍人字

禹鴻臚
尚基畫

錦幄穠花未許攀勝地不妨遲後約巾車何惜

去仍還

萬柳堂小集和晚亭舍人韻

平橋曲渚漾晴波步屨春風得暫過莫問冶源修禊事

柳條攀折已無多

益都相國嘗集朝士修禊於此觴詠之盛久無繼者

落日平臺黯斷魂芹泥小徑屐留痕重來欲下山陽淚

曾聽吹簫過寺門

乙巳秋災同年謝鳳岡於鄰寺曾過此小憩

西山一抹暝烟收到眼春光付急流應笑經年疎酒伴

杏花落盡一登樓

去年同晚亭送春陶然亭今幾一載甫續前遊

送同門劉賜洛守思州

天子勤民嚴察吏要使循良專撫字臨軒顧問幾疇咨畫
省星郎先歷試劉侯磊落出羣才姓名曾入銓曹記都
素黔東列郡雄

特簡無煩選人議鳩工倉庾留藏事

詔遣星馳煩驛騎同門意氣推二劉豪健吾甘三舍避
鳳翔前歲邀

殊恩符竹分榮俱不次五年前是一諸生轉盼即今膺
重寄

君恩如海欲報難感動旁觀況身被焚童竇叟盡王人
敢道遐方等非類矧今聲教之所濡延頸輸誠爭納地
祇憐窮徼俗荒陋無術能令起凋敝信孚誠格通異族
妙術寧惟不治治昔君三載近簪毫清切

綸扇書內制材畧深經元老褒推擇衆中員特置分司
水部未經年盤錯當前知利器干將出匣鷹掣繚大府
監司當立致

當宁求賢宵旰勞為官擇人慎簡畀破格超遷未足奇

民瘼堪哀莫輕視贈行不以頌以規質直聊師古人意

寄同年常德守王君槐青

黃榜天門喧唱第

聖主得才人得意不勞射策特放名故事無之數尤異

君會試中式後即命赴楚未經
殿試特命置二甲第十人况復釋褐四品官湖

湘襟帶稱雄藩專城符竹儼連帥良二千石古所難曠

代遭逢感良遇

深恩欲報知何處俗吏要自煩綏靖土瘠期令漸殷富

發奸摘伏亦何有況事敲榜急租賦近名一念斷須忘
莫詫民謠譁道路清淨不擾致足思悃悞無華吾所慕
神明定遣老吏懾異績無逢上官怒從知實政誠感神
學校農桑非細故君才故不輸古賢仰慰

天心釋南顧美官峻擢奚足云大府旌旄在跬步我初
相見史館下矻矻懷鉛勤竹素京兆聯名情較親尊酒
文場數相晤如鳥求聲動相赴如魚同隊沫頻吻去年
底事郵我書却署頭銜隨俗數一行作吏豪氣除故習

直當荼堇吐穀貴還應疎把盞牘具何心工覓句體將
宵旰卹民心率作相先急當務楚山蒼蒼水激激與子
何緣首重聚因風寄語聊寫懷為國為民惟善護



松泉集卷五